

**Razvojna banka Federacije
Bosne i Hercegovine
v.d predsjednica Uprave**

Broj: 8165-III/22
Sarajevo, 06.7.2022. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), Zapisnika o ocjeni konačne ponude ponuđača broj: 8098-XI/22 od 04.7.2022.godine, člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke usluga održavanja sistema elektronskog bankarstva, donosim

ODLUKU

**o izboru ponuđača za nabavku usluga održavanja sistema elektronskog bankarstva
za period od 12 mjeseci**

Član 1.

Prihvata se konačna ponuda ponuđača Endava d.o.o. Sarajevo, Džemala Bijedića 179, 71000 Sarajevo, broj ponude 29/2022 u postupku javne nabavke putem pregovaračkog postupka bez objave obavještenja o nabavci za nabavku usluga održavanja sistema elektronskog bankarstva u Razvojnoj banci Federacije BiH.

Član 2.

Ukupna cijena konačne ponude iznosi 28.800,00 KM, što u konačnici s uračunatim PDV-om iznosi 33.696,00 KM (slovima: tridesettri hiljade šesestotinadevedest šest i 00/100 KM).

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđaču koji je sudjelovao u ovom postupku.

Član 4.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

Član 5.

Za realizaciju ove odluke zadužuje se Sektor za podršku poslovanju.

OBRAZLOŽENJE

Odlukom broj 6204-III/22 od 18.5.2022. godine pokrenut je postupak javne nabavke usluga održavanja sistema elektronskog bankarstva za period od 12 mjeseci (01.5.2022-30.4.2023. godine).

Shodno navedenom, Razvojna banka Federacije BiH, na svojoj web stranici dana 20.05.2022.godine objavila je informaciju da na osnovu člana 21. stav (1) tačka c) Zakona o javnim nabavkama, namjerava provoditi pregovarački postupak bez objave obavještenja o nabavci za nabavku usluga održavanja sistema elektronskog bankarstva i to sa ponuđačem Endava d.o.o. Sarajevo, Džemala Bijedića 179, 71000 Sarajevo, jer se usluga može isključivo nabaviti od navedenog ponuđača koji je uspostavio sistem elektronskog bankarstva koji se koristi u Razvojnoj banci Federacije BiH, te je isti integrisan sa informacionim sistemom Banke (ABIS), a za potrebe e-bankarstva se koriste hardverski i komunikacijski resursi kojima raspolaže i upravlja Endava d.o.o. Sarajevo.

Iz prethodno navedenih razloga, uslugu održavanja sistema elektronskog bankarstva može pružiti samo njen isporučilac, jer bi angažovanje drugog ponuđača zahtijevalo nabavku i ponovnu integraciju novog sistema elektronskog bankarstva i njegovu integraciju sa postojećim informacionim sistemom Banke.

Poziv za dostavljanje zahtjeva za učešće, odnosno tenderska dokumentacija za I fazu pregovaračkog postupka, upućena je ponuđaču dana 20.5.2022. godine, a u informaciji, objavljenj na web stranici, navedeno je da će Ugovorni organ-Razvojna banka Federacije BiH, Igmanska 1, Sarajevo učiniti dostupnom tendersku dokumentaciju za sve zainteresovane kandidate/ponuđače.

U utvrđenom roku, ponuđač Endava d.o.o. Sarajevo je dostavio zahtjev za učešće sa kvalifikacionom dokumentacijom, nakon čega je Komisija za pregovaranje u postupku javne nabavke ugovaranja usluga održavanja elektronskog bankarstva Odlukom Ugovornog organa broj 6205-III/21 od 18.5.2022. godine sačinila Zapisnik o rezultatu pretkvalifikacije kandidata broj 6850-XI/22 od 02.6.2022. godine, te je na osnovu istog donesena Odluka o rezultatima pretkvalifikacije u pregovaračkom postupku javne nabavke bez objave obavještenja o nabavci broj 6854-III/22 od 02.6.2022. godine.

Odlukom o rezultatima pretkvalifikacije broj 6854-III/22 od 02.6.2022. godine je konstatovano da je ponuđač Endava d.o.o. Sarajevo kvalifikovan za izvršenje usluga održavanja sistema elektronskog bankarstva za period od 12 mjeseci.

S tim u vezi, dana 03.6.2022. godine, ponuđaču Endava d.o.o. Sarajevo je dostavljen poziv za dostavljanje početne ponude.

Nakon dostavljanja početne ponude u utvrđenom roku, Komisija za pregovaranje u postupku javne nabavke ugovaranja usluga održavanja elektronskog bankarstva sačinila je Zapisnik o pregledu i ocjeni početne ponude broj 7379-XI/22 od 15.6.2022. godine, a ponuđaču Endava d.o.o. Sarajevo, dana 16.6.2022. godine, dostavljen je poziv za pregovore.

Pregovori su održani 20.6.2022. godine, a Zapisnikom o pregovorima broj 7531-XI/22 od 20.6.2022. godine, konstatovano je da Endava d.o.o. Sarajevo i Razvojna banka Federacije BiH nastavljaju saradnju na održavanju sistema elektronskog bankarstva, a cijena iz početne ponude ostaje nepromjenjiva.

Nakon održanih pregovora, ponuđaču Endava d.o.o. Sarajevo upućen je poziv za dostavljanje konačne ponude dana 22.6.2022. godine.

Rok za dostavljanje konačne ponude bio je petak, 01.07.2022.godine do 12:00 h, a konačna ponuda je dostavljena dana 30.6.2022. godine u 12:15 h.

Komisija za pregovaranje u postupku javne nabavke ugovaranja usluga održavanja elektronskog bankarstva izvršila je otvaranje, pregled i ocjenu konačne ponude, te je u svom Zapisniku broj 8098-XI/2022 od 04.7.2022. godine konstatovala da je konačna ponuda ponuđača Endava d.o.o. Sarajevo prihvatljiva, te je u skladu sa zaključcima sa pregovora.

U postupku donošenja ove odluke posebno su cijenjene činjenice da je Komisija za pregovaranje u postupku javne nabavke ugovaranja usluga održavanja elektronskog bankarstva pravilno i potpuno izvršila ocjenu kvalificiranosti ponuđača, te pregled i ocjenu ponude.

Uvažavajući sve prethodno navedeno, a prvenstveno činjenicu da ugovaranje usluge održavanja sistema elektronskog bankarstva sa bilo kojim drugim pružaocem usluga nije moguće zbog ranije definisanih razloga, te da je ponuda ponuđača prema kriteriju za izbor ponude (najniža cijena) ocijenjena prihvatljivom, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97. i 101. Zakona o javnim nabavkama.



v.d. Predsjednica Uprave

P.O. Slipi
Doc. dr. sci. Mersiha Slipičević, dipl. oec.

Dostaviti:

- Učesniku u postupku